

集部輯佚文獻彙編

翟金明 主編



國家圖書館出版社

3

集部輯佚文獻彙編

3

中華書局
出版

中華書局
出版

(漢)董仲舒撰

(明)李賓輯

董仲舒文抄一卷

明刻《八代文抄》本

第三冊目錄

別集(三)

漢(三)

董仲舒文抄一卷 (漢)董仲舒撰 (明)李賓輯 一

董仲舒 (漢)董仲舒撰 (清)嚴可均輯 六一

東方朔 (漢)東方朔撰 (明)馮惟訥輯 九六

東方先生集一卷 (漢)東方朔撰 九七

東方大中集二卷附錄一卷 (漢)東方朔撰 (明)張燮輯

序 一六七

目錄 一七一

卷一 一七七

卷二 二一七

附錄 二五三

東方曼倩文抄一卷	(漢)東方朔撰 (明)李賓輯	三一九
東方朔	(漢)東方朔撰 (清)嚴可均輯	三三三
東方朔	(漢)東方朔撰 丁福保輯	三八〇
武帝	(漢)武帝劉徹撰 (明)馮惟訥輯	三八二
武帝	(漢)武帝劉徹撰 (清)嚴可均輯	三八九
武帝	(漢)武帝劉徹撰 丁福保輯	四三六
司馬遷	(漢)司馬遷撰 (清)嚴可均輯	四四〇
司馬子長集一卷	(漢)司馬遷撰	四五一
李陵	(漢)李陵撰 (明)馮惟訥輯	四七五
李陵	(漢)李陵撰 (清)嚴可均輯	四七九
李陵	(漢)李陵撰 丁福保輯	四八七
王諫議集二卷附錄一卷	(漢)王褒撰 (明)張燮輯	四九一
序		四九五
目錄		四九九
卷一		五二七
卷二		

附錄

王褒 (漢) 王褒撰 (清) 嚴可均輯

五六三

五七五

董仲舒文抄

士不遇賦

對賢良策一

對賢良策二

對賢良策三

粵有三仁對

郊祀對

雨雹對

山川頌

乞種麥限田章

制田里省役疏

士不遇賦

漢 董仲舒

嗟乎嗟乎。遐哉邈矣。時來曷遲。去之速矣。屈意從人。
非吾徒矣。正身俟時。將就木矣。悠悠偕時。豈能覺矣。
心之憂歟。不期祿矣。皇皇匪寧。祗增辱矣。努力觸藩。
徒摧角矣。不出戶庭。庶無過矣。生不丁三代之聖隆。
今而丁三季之末俗。以辯詐而期通。今貞士耿介而
自束。雖日三省於吾身。今猶懷進退之惟谷。彼實繁
之有徒。今指其白而爲黑。目信嫫而信眇。今口信辯

而言訥。鬼神不能正人事之變戾兮。聖賢亦不能開
愚夫之違惑。出門則不可以偕往兮。藏器又豈不容。
退洗心而內訟兮。亦未知其所從也。觀上古之清濁
兮。廉士亦熒熒而靡歸。殷湯有卞隨與務光兮。周武
有伯夷與叔齊。卞隨務光遁迹於深淵兮。伯夷叔齊
登山而采薇。使彼聖人其猶周遑兮。矧舉世而同迷。
若伍員與屈原兮。固亦無所復顧。亦不能同彼數子
兮。將遠遊而終慕於吾儕之云遠兮。疑荒途而難踐。
憚君子之于行兮。誠三日而不飯。嗟天下之偕違兮。

悵無與之偕返。孰若返身於素業兮。莫隨世而輪轉。
雖矯情而獲百利兮。復不如正心而歸一善。紛既迫。
而後動兮。豈云稟性之惟福。同人而大有兮。明謙光。
而務展。遵幽昧於默足兮。豈舒采而蘄顯。苟肝膽之。
可同兮。奚鬚髮之足辨也。

對賢良策一

漢 董仲舒

對曰陛下發德音下明詔求天命與情性皆非愚臣
之所能及也臣謹案春秋之中視前世已行之事以
觀天人相與之際甚可畏也國家將有失道之敗而
天廼先出災害以譴告之不知自省又出怪異以警
懼之尚不知變而傷敗廼至以此見天心之仁愛人
君而欲止其亂也自非大亡道之世天盡欲扶持而
全安之事在彊勉而已矣彊勉學問則聞見博而知

益明彊勉行道則德日起而大有功此皆可使還至而立有效者也詩曰夙夜匪懈書曰茂哉茂哉皆彊勉之謂也道者所繇適於治之路也仁義禮樂皆其具也故聖王已沒而子孫長久安寧數百歲此皆禮樂教化之功也王者未作樂之時廼用先王之樂宜于世者而以深入教化于民教化之情不得雅頌之樂不成故王者功成作樂樂其德也樂者所以變民風化民俗也其變民也易其化人也著故聲發于和而本于情浹于肌膚藏于骨髓故王道雖微缺而究

絃之聲未衰也。夫虞氏之不爲政久矣，然而樂頌遺風猶有存者，是以孔子在齊而聞韶也。夫人君莫不欲安存而惡危亡，然而政亂國危者甚衆，所任者非其人，而所繇者非其道，是以政日以仆滅也。夫周道衰于幽厲，非道亡也；幽厲不繇也，至于宣王，思昔先王之德，興滯補弊，明文武之功業，周道粲然復興，詩人美之而作，上天祐之，爲生賢佐，後世稱誦，至今不絕。此夙夜不解行善之所致也。孔子曰：人能弘道，非道弘人也。故治亂廢興在于已，非天降命不可得反。

其所操持諄謬。失其統也。臣聞天之所大奉使之王者。必有非人力所能致而自至者。此受命之符也。天下之人同心歸之。若歸父母。故天瑞應誠而至。書曰。白魚入于王舟。有火復于王屋。流爲烏。此蓋受命之符也。周公曰。復哉復哉。孔子曰。德不孤必有鄰。皆積善累德之效也。及至後世。滛佚衰微。不能統理羣生。諸侯背畔。殘賊良民。以爭壤土。廢德教而任刑罰。刑罰不中。則生邪氣。邪氣積于下。怨惡畜于上。上下不和。則陰陽繆盭而妖孽生矣。此災異所緣而起也。臣

開命者天之令也。性者生之質也。情者人之欲也。或
天或壽或仁或鄙。陶冶而成之。不能粹美。有治亂之
所生。故不齊也。孔子曰。君子之德風。小人之德草。草
上之風必偃。故堯舜行德則民仁壽。桀紂行暴則民
鄙夭。夫上之化下。下之從上。猶泥之在鈞。唯甄者之
所爲。猶金之在鎔。唯冶者之所鑄。緩之斯來。動之斯
和。此之謂也。臣謹案春秋之文。求王道之端。得之于
正。正次王。王次春。春者天之所爲也。正者王之所爲
也。其意曰。上承天之所爲。而下以正其所爲。正王道